

晚
晴
移
詩
匯

晚晴移詩匯卷一百七十五目錄

沈瑜慶 九首

李經述 十首

楊銳 十四首

關棠 七首

司炳燧 三首

陸紹周 二首

梅文明 四首

王瑩修 一首

胡延 十六首

成多祿 四十三首

于雲贊 二首

勒深之 六首

白永修 三首

葛金烜 三首

于濟慶 四首

陳通聲 十六首

秦樹聲 十一首

繆祐孫 五首

曹允源 三首

譚國恩 一首

李子榮 九首

金鵬 二首

裴景福 五首

聞捷 二首

劉炳詩 二首

夏葆彝 二首

謝昌年 一首

晚晴移詩匯卷一百七十五

徐世昌

沈瑜慶字愛蒼號濤園侯官人光緒乙酉舉人官至貴

州巡撫諡敬裕有濤園集

詩話濤園爲文肅叔子少儻不羈既數躋春湖乃
以道員需次江左庚子之變謁忠誠劉公反覆敷陳
東南互保之局乃定往還電牘多出君之手世末之知
也好宏獎才後蜀除常格或以此病之有朱總兵洪
章者金陵一役掘龍胙子地道犯險先登以奏名依
官秩叙次不得封五等事定侷閒居不自聊甲午
海氛不靖君爲言於文襄張公令募十營守吳淞市
屢肅然迨傷發病歿復具事略請於朝得賜卹建祠
其風義多類此所爲詩抉發幽隱筆曲而達同光派
間才稱盛大夷主清奇君主宏拔皆能真真獨造時
輩爲之

紀朱總兵洪章事

每飯意不忘鉅鹿眼前魏尙翻爲戮少年不自惜功勳垂

老對人羨蒲穀蒼頭特色黔中黔太守益陽與薰沐潁川
馬坐雄萬夫酒失豈真棄心腹一爲楚將亦冠軍遷地爲
良敢雌伏屯兵堅城勢欲紉連營百里氣轉威忽驚地道
驟垂成四百兒郎糜血肉卽今豐碑龍脖子空使詩人歎
同谷破敵收京誰第一再接再厲瘡痍復衝鋒讓前受賞
同公等因人何碌碌當時大樹恥言功今夕灞陵還止宿
文吏刀筆錯鱗鐵幕府文書罪罄竹誰知東海又傳箭嬰
鑱據鞍更踟躕不侯枉自矜長臂再植何堪擬羣木飄零
草疏訟陳湯聲鼓聞聲思李牧白首忘年悵較遲奮筆成
詩助張目行空甲馬如有聞我有長歌方當哭

淮北行

漢家縣官擅煮海牟盆計臣持國憲關中豪姓皆素封強

幹弱枝謀豈遠江淮自昔擁鹽利亂後公私歎重困建餉
蜀船勢莫禦齊豫捆輸亦殊健翳我追維陵替由商而改
票票改販長沙經濟世無匹救弊權宜暫相遁湘鄉戡亂
務寬大一時網舉從謙遜正陽五河假苗李反側羈縻難
具論承平官吏病因陋比量淮南更滋蔓載鹽卽以船守
輪鹽難周轉船久頓勞則思善逸則淫盜賣資緣毋乃溷
積重忍隱戒鋌走剝肉補瘡虧巨萬典鬻俱盡且兔脫始
知水懦爲民恨當時亦有經營議斤斧未終梗初願美意
中賒悔莫追殲波日靡誰當輓變遲禍大古有訓民難圖
始謀方寸改張安得盡人意苟利君民敢辭怨古者商與
國有盟庸次比耦終無憾周衛肇牽重服買詎犴積習昧
言巽三占從二弗汝狗干倉萬箱正營建通均合作仿徼

田本末相維若徵券眾擎易舉始無亟眾志成城疇敢
觀成爲報老尙書日影量磚料健飯眾商樂業官課最明
年我亦占肥遯

哀餘皇

城濮之兆報在邲會稽已作姑蘇地或思或縱勢則懸後
事之師宜可記昔年東渡主伐謀嚴部高壘窮措置情見
勢絀不戰屈轉以持重騰清議鐵船橫海不敢忘明恥教
戰陳六事軍儲四百餉南北并力無功感盡瘁宋人告急
譬鞭長白面書生臣請試欲矯因循病鹵莽易贊諫書今
在笥蓄艾遺言動九重因以爲功宜可嗣誰知一舉罷珠
崖東敗造舟無噍類行人之利致連檣將作大匠成虛位
子弟河山盡國殤帥也不才以師棄卽今淮楚尙冰炭公

卿有黨終兒戲水犀誰與張吾軍餘皇未還晨不寐州來
在吳猶在楚寢苦勿忘告軍吏

雪後過滁州朱虎臣大令邀看豐樂亭醉翁亭并榻

碑見贈

昔人四十便稱翁今我早衰將毋同我來作客翁作主慙
無健筆追宗工文章偶然作游戲賓客可欺甯兒童如何
一代論風雅門生乃爾相推崇故人途遇朱公叔邀我來
看西南峯豐碑屹立恣摹搨老梅媚嫵藏深叢羣山奔赴
雪初霽澗泉一夜添清深亭前置酒當日暮山僧秉燭頭
如蓬詩人循吏自有在盛名飲咏皆爲功官長今無醉翁
醉歲事不見豐樂豐時晴僕夫促更發鹽官行李殊恩恩

答馮夢華太守次馮庵原韻

天道甯教裨寵知憂時未用苦吟詩一官江海歸何日滿
目流亡念在茲竹木勞人憐我拙斗鍾爲德恐君疲長隄
障水無窮利遠迹塗山問導師

大沽舟中聞友人談都下近事

事亦有至難百爲無一可千鈞繫一髮狂瀾欲轉柂濯濯
少年銳側眼自顧朵出門占同人立談侈負荷江湖望南
斗中夜重起坐之子亦可念世路殊測叵癡兒已見幾謂
遲恐不果我倦答癡兒月固不勝火

靈苗與毒草辨別幾微間可憐採藥人荷鋤入名山眾中
野狐禪說法亦點頑白日真飛昇何須論九還羣生無主
宰天實假神姦我獨念王子仙骨非等閒速化爾何心辛
苦方躋攀既茹不可吐哽喉難駐顏

百花洲樓成贈伯嚴

魚鱗萬竈俯蘋洲
突兀人間百尺樓
懸榻有心孰冠冕
撰碑無愧已山邱
欲東樂伯終吾帥
豪舉平原豈壯游
賦罷青蠅退無悶
料量詩卷載清秋

同橘叟江亭看雪兼柬陶庵默園

西山寒色侵窗榻
覩眼浩浩重關局
並載聳肩衝凍出
尖又冷峭誰當聽
舊題年月暗塵壁
劫後好事如晨星
昨者旌旆照原隰
珠襦玉匣藏神靈
彤帷雨淚灑陽燠
光景似塞銜
悲人痛定偃僂撥
灰話過市對酌
傾空瓶二客後
至赴盛集遙想
宣勸杯無停
禁體號令嚴
白戰主人擁
被君當醒當時
入地報分寸
關心豐歉煩
明廷夢寐恍
惚那忍說
瑞應屏絕
還講經高
寒天上試
回望玉戲
切莫忘江亭

侔色揣稱隔梅訊故鄉花事談伶俜

李經述字仲彭合肥人光緒乙酉舉人襲一等肅毅侯

官四品京堂有李襲侯遺集

詩話仲彭生長華閩而薄視浮名超然有遺世之志
文忠薨未幾亦卒少時好作史論及詠史詩深識遠
見往往流露然未嘗示人也

秋懷用昌黎韻

研精慮貴深進學力務猛涌地百斛泉窮源必巨綆造之
爲人功得之爲天幸首基伊維何紛華悉除屏日月雙輪
奔倏忽已滅景撫躬益精進靈臺光罔罔情田長良苗心
地鋤荒梗培養期中寶省察防外騁貫通於一旦奚事更
端請

吾宗長爪生七齡賦高軒雲夢吞八九氣勢黃河奔神工

運鬼斧輪般噤不言
虯龍噴墨雨灑落硯池前
逸韻可以佩奇氣
可以餐攫身摘屈豔
蒼爲昌谷編編中
驚人語一可抵百
千始爲奉禮郎
索米憐寒酸
玉樓召作記
長向冢中眠
乃知卓犖士
以才天其年

山谷詩橫絕一吸西江乾
拗節含古姿
球琳與琅玕
語語見佛性
以筆爲蒲團
造句若天成
韻險體自安
傷哉涪州謫
旁觀淚汎瀾
鼾睡不自戚
行囊一詩丸
放歸鬢髮蒼
吟聲動征鞍

感興

涼颼振四壁
啾啾鶴鳴悲
宵長不能寐
百緒紛中馳
披帷覽明月
夜氣清明時
逐往事已誤
警來心孰知
空寒出古慮
儻默以自持

凡印卷言臣名一十一
五

結交竟何爲太息難復言雲雨互翻覆變態日萬千今人
非古人託意徒纏綿神女游漢皋珮解雙珠圓洛川步羅
襪朝霞映日妍精誠偶一合奚啻千百年

歲華水流速憂心石壁仄抱疴醫無人知非救有術紛馳
十餘年斂退始今日世人樂外營達士懼中忒匪勉最前
修神明冀充實

昔有素心子抱袂時相隨今昔既殊勢惻惻令心悲荃蘭
變蕭艾灌溉無能爲此地非京洛素衣胡乃緇古人乞食
者問君君豈知

夏日卽事

閱盡人情真賞希疏慵合飽故園薇陳編儘有益師友俗
論原無真是非性僻拚遭河曲笑心閒久息漢陰機呼童

抱甕澆花徑一角西檐落晚暉

願此頭顱百念灰又看日影過庭槐倦凭木榻學僧定靜
掩蓬門爲客開蘭有幽香時一至蜨無宿約忽雙來眼前
逸趣何曾少不待山中更翦萊

接屋疑牽岸上舟此中偃仰百無憂人生原自多磨蝎野
處何妨學飯牛蒼白慣看片雲幻輸贏又報一杯收冰丸
風鮮無庸設胸次蕭然本似秋

楊銳字叔嶠綿竹人光緒乙酉舉人官內閣中書加四

品卿銜有說經堂詩草

詩話叔嶠恂恂儒者篤雅有節受知於張文襄最早
戊戌被石銘中丞之薦與劉裴村譚復生林敏谷同
直樞垣入月下獄刑部官欲抹楊劉而無及朝衣東
市海內哀之意圍祭酒杜鵬行云杜鵬賦血聲不止
白衣少年在天子翻雲覆雨驟雷霆竟與黨人同日
死死竟無名世尙疑朝衣倉卒就刑時似問唐代承

貞際劉柳諸人有獄詞經史蟬胸掌固熟菴氏未誅
蘇氏族歸憶泉明奔妙喪解官亦欲持兄服矧忍律
刑繇主恩主恩深厚敢深論友陵遺棄分明在異議
篇篇血淚痕削麟六館誇高第亦復城南飲文字黃
李當時皆偉人與爾論交折年輩萬里魂歸蜀道難
魚梭曉日自年年杜陵漫灑雲安淚從此西州有杜
鵲元和汪袁甫過叔嶠舊居詩云誰記津橋夜雨痕
秋風來弔蜀鵲魂揚雄何意丹吾轂江濫無端白汝
門朽骨已隨新法盡匡牀尙有諫書存
若憑成敗推興廢甘露當年未足論

院中秋暝

日夕天氣涼颯然秋已深虛檐切穹霄廣院下層陰浮雲
頽高望荒颺寒遠音冥坐易爲感孤懷下嶮岵南雁肅哀
唳弭棹清川潄所思諒多阻泉蘭絢幽森願移淮南調且
撥湘潭吟無因盥塵慮淒其江海心

定遠道中曉行

巖高石齒排雲樹束火起尋江上路嶺頭煜煜見明星襟

上涓涓瀉涼露露冷空山棲鳥驚幽蘭被徑香風迎道旁
禿樹似人立林間飛瀑疑松聲石磴高巉碧峯頂雲氣入
窗行簷冷木魚曉動僧唄開

唄一作梵叫起西谿老翁醒

過太原作歌

太原公子虬髯客笑指并州作王迹龍起虛傳晉水清

一作

龍虎千年
霸氣銷

至今猶見汾雲白此地從來王者都百年腥穢

經胡雛三河節概向誰是段干田子今時無摧輪倏登太
行道黃沙屯雲沒青草往者災荒連四年飽聞白骨高於
田古埃離離識官路頽垣漠漠尋炊煙渴來風塵厭辛苦
鳴鋏宵深代人語只爲肝腸報信陵肯令口舌誇齊虜莫
辭且坐燕薊游有夢早到金臺土固關東連人去稀山川
霸氣兩依微晉陽莫問前朝事

莫一作若惟有秋風數雁飛

和南皮師除夕大雪原韻

臘酒噓凍得軟飽年豐樂事快自了冬雪再屢春猶封霽
色模糊堊林表堆瓊仍看萬瓦白燭照不待三更曉市人
屢泚不龜手天公慣戲玉龍爪士如楚續恆得挾我愧袁
門獨不掃迎年爆竹謹歲除家家倉庾登萬寶要豐養餌
餽鄰里更潔筍雁薦潢潦尙書元精耿虹貫昭蘇萬彙古
來少驅蝗肯師梁公智雨麥未神岐山禱默知桃汎迴百
日菱薪驛路催縣道九穴恐滋藕池訟萬城倚是荆郡保
今年大雪三裘丈異事還諗百歲老梅苞噤寒不須吐辭
根响温未應槁瓶盎破裂驚粵洲瓊玉揮斥散臺島造物
無心無乃譎行子歸計定愈好春風入律釋土膏積潤回
枯被蕘草百灘若失去檝輕綺岸餘花照蒼昊

聞官軍收復準部四城

見說龜茲國河源更盡頭羯胡終伏命龍額會封侯貳負
尸仍枯休屠像早收昭陵大小白連日汗長流

絕域通西極平時萬里疆天徠汗血馬國集大頭羊水草
千夫帳旌旗六月霜似聞陳校尉親斬郅支王

自拓伊犁地頻年費轉輸先朝有深意北徼絕強胡異域
歸盟長安邊想廟謨明明四夷守經國意何如

瀚海封疆重將軍號令輕準回初有議中外本同情貴胄
仍專閩獯戎屢畔盟終朝立行省藩部比陪京

甲子江南定西征繫聖顏至今堯典在同憶禹謨艱王者
眞無戰中原不復關淒涼告廟日雲氣滿橋山

過蘆溝

柳色關河早帶霜危樓畫角倚斜陽天邊候騎穹廬白雲
外行人袴褶黃水過田園同雁鶩風來草木見牛羊蘆溝
此處頻回首猶望西山氣莽蒼

南苑

大紅門外接郊坳南苑秋風禁樹零被酒日斜橋上立無
人教放海東青

黃沙望盡草連雲蘆管聲高海戶聞射虎歸來人不識馬
前平揖故將軍

西海子

方丈蓬壺到眼前團城雨過亦翛然夕陽欲下觚稜去遙
見晴空水碧天

碧波黃瓦接瀛臺秋色芙蓉鏡殿開十刹海邊人散盡水

禽飛過苑牆來

關棠字季華漢陽人光緒乙酉舉人官羅田教諭改浙

江知縣有師二宗齋遺集

詩話季華之大父與斬水陳秋舫江夏陳芝權同赴公車獨報罷遂癯疾不起其子弟輩引爲深憾畢生不赴場屋故季華早歲所作皆詩古文辭既壯設帳吳中徇曹紫諍之言始肄舉業彭巧庭撫鄂倡修省志延主其事張劭予趙翼之兩學使編集湖北文徵及叢書多出其手然未嘗列名其門人陳仁先謂吾師絕意於身後之名諒哉遺藁多散佚現存詩文詞各一卷皆門人所蒐輯

送別余次襄太守

金甍一以動行子趣南車耿耿別所親悒悒過吾廬秋陽慘將夕詞殫意不舒控弛馬盤桓憂來不可驅喟茲叱清寐奄忽終旬餘性情失其寶豈日身睽孤

嶧桐無低枝江鱉無細鱗周鏞無匿響秦鑑無留塵浩氣

匪圖坻傑士茹其眞跌宕卑九閭浪莽隘八垠陰雨交所
仇世疏君迺親黃金衆所錮虜富君迺貧大巧納羣拙譽
善逾等倫敦信變衆詭踐諾無遂巡志投岑范轍或疑聶
豫鄰黃唐慨予懷俯首一爲君

弱齡思綺合才高致譽早伯玉一匣書雷動長安道文章
造平淡斯人亦已老達者安坎坷志士恥枯槁歸雲載奮
飛他山覆瑤草荆陽古炎隈希霖一灑贊

我拙不可藥卓立甘墨守文家瘞殘篇入世羞覆瓿窮賈
暖清輝劬書翳檉柳治亂究古今持此永皓首高情抒阮
嘯對客箝在口弱女等療飢戮皇遇尊酒故人深憂余歧
路自分剖勵學懼無成恠鬱胡敢有

過黃州

舟過潯陽後江流第一灣塔高千樹月草補半城山野屋
羅星宿低灘剖玦環髯蘇久不作赤壁自蕭閒

去年小除夕鄧獻之先生自黃州來視予疾談讌歡
甚別後以詩見慰次韻奉答

先生一笑春如海喚起寒梅病裏魂卒歲溫燖消雨雪新
詩蕃衍長兒孫勝游歸後久懸榻僵卧別來今閉門願挾
高情越溟渤吟邊獨與太沖論

己丑十九日由吳淞北行海中遇風雪二十四日大
沽候潮用東坡出峽韻同伯晉蘇生作

千花滯春江遵海得清曠十日潤芳塵登舟寄孤暢
僕走下牀牀客分上乘桴九夷俱望友三益訪舊雨新喜
見今游後難忘笑語谷雷礪深談溪泉漲房蜂雜主賓

絳錯益益宵卧紛酣夢晨興愕奇狀蜒雨晝既羅沙雪宿
加釀風排羣足跋波震余心蕩膨腹雜若糟岑頭眩迷向
屏息求安隱揮手謝供帳屢簸豆躍箕欲鎔金失鑛正命
知平生危想入譎誑水裂蛟窟眠際落魚腹葬机隄歷昏
旦在險氣逾王窺窗掛梳鐙敲枕打船浪眾中能賭詩病
起詎扶杖奪席肆幽探倚壁接高唱忠信愧波濤顛連存
想像狂瀾世終迴斯文天不喪潮來丁字沽矯首倏尋丈
司炳燧字煜茲貴陽人光緒乙酉舉人官仁懷教諭有
甯拙堂詩集

題張叔平紅崖碑後

張君好游復好奇逍遙不受名利羈東行泰岱西咸池凌
跨三湘弔九嶷爾足不遺蠻與夷直到吾黔羅甸之邊陲

紅崖山石如猊獅紅崖文字如龍夔縮木屨木相離支懷
古徒興三代悲何君不畏艱與危何君不憚熊與羆崖懸
萬仞身懸絲陰氣肅肅砭人肌捫蘿躡虺右手胝羣搨豈
任庸奴爲風神號怒山神私忽躍忽叫交奔馳奪其所寶
心怨咨旁人亦道君是癡謂以性命博文辭君方驚定神
怡怡大呼武侯報以詩詩所難寫記補之柳公謝公筆淋
漓髣髴如見磨礪斷壁揮毫時此圖二丈如披帷張之老
屋氣漫彌毒龍猛獸相撐持金仙蠻鬼雜怒嬉日輪月殿
雲垂圍大圈小圈光陸離雲黃海黑風淒其長畫短畫盤
蛟螭陰陽萬象供鑪錘觀者揖君相叫噫或疑或喜或眦
唯口量手揣心是非謂是好古鄉君叔勩不及知可憐甘
受世人欺吁嗟乎可憐甘受世人欺豈獨石鼓銘文岫嶼

碑

龍潛引

西宮日落東宮昏妖星如月挂宮門白氣映射青紅燈黑
煙沖蔽紫微垣霹靂一震飛電光排山倒海崩金闔神丁
甲馬皆匿藏平地水溢成汪洋天吳海童恣顛狂鼉擲鯨
吞肆沸揚跳盪鱗鱗從鯉鱗掉尾噴沫鼓濤浪咽屍當蹊
闕龍堂欲監龍腦膾龍腸老龍負子擎雲起斂須彌身爲
芥子金銀宮闕棄如遺寶藏珠琲散若洗敗鱗殘甲侶魚
蝦驚風駭浪走天涯與妖駕霧逐騰蛇蝕月躍起金蝦墓
狐鼠跳梁雄似虎鸞鳳失路瘦於鴉燈殘猶幸迴光駐棋
輪詎止一著差君不見萬里爲魚齊蕩產九朝如夢忽傾
家河山大地鋪蟲沙

讀明太祖本紀有感其語

元雖起北狄主中國百年後王縱不才先帝德未諉我祖
與若宗爲民而受屢渥受教養恩太平享安全一朝至順
帝淫昏異祖先英雄起草澤四字皆狼煙明祖廼蠲興寶
位授于天獨夫放塞外和林妻孥完中山識此意明言臣
舍旃上啟聖仁心宸衷矜且憐詔書戒誇大臣民禁譁誼
詎因子孫愚詆毀宗祖賢大哉開國主謨訓垂簡篇氣象
邁漢唐度量包垓埏至今誦其語令人生慨然

陸紹周初名繼周字純甫宛平籍嘉興人光緒乙酉舉
人有陸純甫孝廉遺詩

和陳級青

身世鮎魚上竹竿冬心獨抱不知寒
論交四海同音少

志千秋下筆難閱盡風霜翻作健愁來天地亦非寬本來
弧矢男兒志離莫生悲聚莫歡

和繆邵生游郊外

帶水襟山地登臨眼界新草痕迷屐齒花氣襲車茵風物
思吳下清游擬洛濱人生惟骨肉此外又誰親

梅文明字笑山江陰人光緒乙酉舉人有笑山詩鈔

李堡野望

塞外西風颯颯鳴亂山堆裏豁雙睛炊煙隱向雲邊出落
日遙從水際明人立澗頭牽馬飲婦歸驢背襁兒行萬家
燈火疏疏上暮靄蒼然直到城

蔚州秋懷

葉下亭皋信已霜擣衣聲裏杵砧忙獨尋野興呼驢語盡

放鄉心逐雁翔環郭萬山遮遠睇凌空一塔點秋光浮雲
無限蒼茫意黯黯無言繞客腸

蹠遠登高感浩襟
唳鴻唳蟀付長吟
邱中狸貉爭先後
塞上風煙黯古今
側望乾坤雙袖手
自開蹊徑一生心
零秋到處多蒲柳
省識青青松柏林

李將軍射虎行

將軍射虎南山中
虎盡射石石火紅
歸來卻遇灞陵尉
將軍失氣亭上睡
天驕犯塞來胡虜
將軍視虜如視虎
詆欺偏遇主家奴
孤負腰間沒石羽
數奇失道上所聞
將軍死矣誰敢論
如今有虎射不得
碧盡將軍一腔血
噫嘻碧盡將軍一腔血
將軍而生皆亦裂

王瑩修字仲鎔號筠瑄閩縣人光緒乙酉舉人有虛心

齋詩

壬子除夕

海山風景此棲遲
勞我精神且祭詩
厄運當如填債滿
鈍才祇合賣癡宜
河汾舊學承中說
荆楚前塵話歲時
諛汝遐陬人故故
翻新日月不曾知

胡延字長木號硯孫成都人光緒乙酉優貢歷官江安糧儲道有蘭福堂詩集

詩話硯孫年十四五卽能詩弱冠從湘綺學爲五言宗法大謝入官遂不復爲盡棄少作丙申後重事吟詠與子辛丑拜御書福字畫蘭之賜因以名集詩附於詞思施樊樊山題云一樓湖綺與雲齊麗甚餘波到蜀西瑤碧青峯一炯張玉笙春水兩萋迷太虛不涉黃州派夢得多同白傅題此事未應妨兩廡欲將絲竹質宣尼髻短俱爲入幕賓豈期家國誤黃巾幸逃白馬河中水重認紅羊劫後身此局全輸休渡海吾謀不用卻歸秦與君並步煙霄路回首恩門感最真早晚行宮預荀班玉音問答待重刊金槃日麗天

厨果寶扇風香御畫蕭京兆眉圖學宮樣江南貢劍
護春寒儒臣樂遇茲爲首莫與江村一例看金陵亦
是帝王都飭節親持轉舳艫夢裏曉鐘長樂苑部中
煙水莫愁湖書題隴上梅花否詩抵淮南米價無虞
憶關中庚開府江
雲渭樹未模糊

題真定店壁

喜唱高梁出塞歌忽隨南雁渡淖沱四山落日連恆岳萬
井空城弔尉佗飲馬雄心新鬢髮飛龍殘夢舊關河鼓行
背水皆陳迹取次登臨古意多

天全雜詩

昔聞徙陽地亦是西南夷蒟醬相如說碣樓呂越知未應
夸廣澤且可界渝糜牛馬何曾富徒勞入尉師
萬頃鴉龍水來從青海灣漉金沙共寶裁硯石同頑比戶
甘黃菽當關列赤菅頭蘭千里外一一擁螺鬢

登登敲炭灰嵐氣逐人來終古三更雨何曾一夕雷
碓門紅石岷野店白麻開忽地唄囉出居人身毒回

赤脚溪邊女呖嚶唱采茶界門惟醬醢入市且魚鰕月黑
頻喧礮風清偶送笳王然如裹足斲道是天涯

井陘

井陘西上秋色徂道長日短愁僕夫七十二灘不可踰負
重難爲轍下駒翠雲十斛巖玉瘦黃葉一畝霜林腴礪中
石出水生骨嶺上草凋山脫膚溪童潑刺健似犢往來負
水能疾趨我獨何爲行在塗天寒不歸對妻孥白醪一尊
作重九馮轅手擷紅葉莢側身西望長嗟吁閒吟莫待清

景述

棧中與西藏貢使同行感而有作

畫旂吹角風參差翩翩騎馬紅衣見丹頂影襖大堪布來
琛競裏三千輜我聞遠賴號迦葉匹者班禪通法偈西來
膜拜天可汗神京高築黃金龕佉盧譯字偁無上青青稞
米烏斯藏四駱駝馳爲煮茶二招複沓還輸醬朝廷控馭
假班牙白布紅毛休怨嗟不遣文成通贊普聊將護國奉
思巴那知天關三危地南風吹斷夫容利牛糞其人取道
來橫分印度東西帝昨者強鄰強制吭不羸不馬烏孫王
籌邊空建王然策內附無聞悉怛降于今環海成庭戶已
見島嶼陳普魯鐵軌能教阿瓦通電書那慮流沙阻雲棧
縈紆草樹春東風囉唳動行人行人漆室方長歎嗟爾嬉
嬉燕雀羣

送劉蔚棠省親南歸

十年幕府劉公幹日日思歸此日歸攜手送君楊柳陌關
心游子芰荷衣獨憐越鳥巢枝穩應有江魚入饌肥莫使
將軍懷揖客戟門南望綵雲飛

左將軍歌

將軍名寶貴山東人
倭韓之亂死事最烈

東征虎將花門種白幹朱絲號神勇涅臂長懸報國心生
來慣識祁連豕幼抱犀渠作健兒舉旂早結上公知紅綃
抹額黃皮袴得意摩天苦戰時論功首重桓虔武凱歌自
和邈迤舞莫作尋常蕃將看哥舒僕固羞爲伍悶殺新娘
曹景宗鼻端出火耳生風竭來收拾穿雲履也向天街踟
躕紅百戰功名等一擲身虛未辨爭先得狂撐大眼睨公
卿酒酣無那肝腸熱空憐歲月去堂堂攬鏡忽驚頭上霜
攜得琵琶紅袖妓夜寒如雪披伊涼此時颯瑟氣尤惡海

孺星子紛紛落鐵軌南通俾路芝越裳甘棄同甌脫從此
將軍氣轉豪鳥嶠雖重主恩高不教日歷秦長脚空有天
生劉大刀聯枝跼萼稱同氣斬關破賊真吾弟長向朝陽
望捷書可憐夜半凶書至春風淚灑脊令原反鬪終懷國
士思祇有拊膺長痛哭不辭翦紙與招魂忽聞傳箭追窮
寇因獸凌兢殊死鬪赤峯明月踏營歸血腥裹甲三重透
瑠戈早晚鎮高州都尉連章苦慰留盼煞挑椰船上客巫
閩目斷白雲秋無端驟長邯鄲蝨敗盟毀約思蠶食白旄
倏徧薩摩州紅帽如聞平秀吉水犀十萬下三韓列幕連
營袖手看重英不動清人軸一箭誰登廣武壇將軍怒馬
奔如電提刀願識羅暉面我今一死何重輕不畏前驅慚
後殿鳴江流水淥汪汪六月炎蒸鳥不翔汗雨白沾銅面

具火雲紅映綠檀槍酋矛散漫難成列虎氣騰騰呼殺賊
但使連衡共搆虛定教執燧探龍穴入道花旗迤邐排紅
衣礮劈兩山開孤軍已被重圍合不見沈舟項羽來森索
妖星迷赤霧睢陽齒碎天將暮紅燈白酒賀蘭營曲誤方
矜公瑾顧月暈重重聞楚歌洞胸猶握魯陽戈仲由纓結
那惜死國勢不張將奈何從今狂寇逾三塞海門不守長
城壞藁市終懸懦帥頭中原贏得逃兵在又見長編紀北
盟符離一潰誤書生萬金幣去龜陰返祇恐忠魂恨不平

明忠順三娘子畫象歌

蟻珠綴耳圍雙貂綠鞵控馬飛鸞絲天風吹動周昉筆騰
支漉汁傾生綃拂雲堆外小垂手春深留取邊關柳銀鬚
冒頓劇風流纂得外孫爲幼婦桃疆李代早春時不遣斑

驩嫁襖兒紅燈氈幕羊羔酒從此青山罷貳師解憂下降
眞遊戲中朝漫灑江都淚何用重圍畫美人翻新更出陳
平計失婦封胡怒且羞腰刀把首走皇州申申莫聽黃婆
晉格格還封孺子侯天書朝下泥金色詔勅闕氏安反側
娘子軍前免首雲夫人城上蛾眉月雄威不競仗雌風長
見珠帷駐大同側鬢低呼乾阿嬰翠鈿微溜頰渦紅搨酒
如泉杯轉遞踏歌悄聽嬌音脆紅雲骨朵換新妝鈴卒偷
窺魂欲醉避面尹邢花兩行天教重嫁左賢王不勞須卜
歸巖衛永使蠕蠕走大荒三醮猶能逢贊普琅琅嘖嘖飄
神雨拋弓膜拜白衣郎樓上橫飛千道乳陳湯傅介等閒
看叉手終依天可汗誰遣恆河偷照鬢春愁如水壓雕鞍
馬市重開天駟蹶黃花堡上秋雲黑籌邊都尉爾何人駕

被蟲釵充玉帛猶記璇宮夜召時
泮江馳傳鳳車遲更煩
小李將軍筆爲寫且蘭女士司

感事

青油幕底客彈冠博士留秦羨美官
四野共知溫樹好三
秋那識井梧寒引繩可礙狂夫直
榜戶常教冷眼看太息
水平風忽險更從何處覓任安

居蘭處鮑總相宜臺底頻加十二
碁金甕不妨垣外耳白
雲常染鏡中絲同圍忽長彈蕉竹
落釜應慚煮豆其猶幸
九淵龍喜睡探珠回首緯蕭時

北齊宮人鏡歌

鏡藏鄉甯楊氏篆文古秀末有仲然
思太京句京原古通蓋傾宮南下時

所作也

馬頰山傾墮壺月綠絲縈紐蟲書
鬻美人抱月思太京對

臉傳紅紅欲滴鳳旌片片下清漳溼螢滿殿秋宮涼雁柱
無聲蚪箭咽黃花葉落愁鴛鴦繡斂黯退盤龍靶丁香又
送潘妃嫁猶憶君王逐獺還圓冰悄對殘妝削汾陰縹緲
鳴鸞車紫絳銀帶埋塵沙香詞繚緜那忍讀金鵲飛飛春
日斜

題太原店壁

才聽晴鳩忽雨鳩麥天涼氣似新秋綠陰遮驛馬行緩不
覺夕陽紅上樓
西寨村邊烏犍牛亂山何處覓潛邱客途最好逢三月楊
柳飛花水滿溝

甯武劉夫人箭

森索妖星動赤埃蒙阮不守雁門開長驅無阻吹唇疾甯

武關頭一箭來惜哉一箭但中目喫血天狼能齧鏃連飛
一箭殪其雌狐狸不得上門屋大小眼賊相持哭小眼含
淚大眼噴眼開眼闔光磷磷如此善射信有神周將軍妻
劉夫人夫人善射賊膽落丁零無聲夜張幕可惜援兵阻
太原嬰城力盡張空曠荷葉坪荒走封豕抽刀不斷牛渚
水恨曾欲裂銀鬪穿母子父妻火中死賊心雖喜猶仿徨
前途慮有張睢陽繫帛書來賊乃北迎降苦恨雲中姜當
時寇盜猶癡鱗草間偷竊同黃巾中朝女子解破賊蕭山
沈與忠州秦繡旂沁水如雲屯卽此足可清煙塵何況更
有盧宜興雁門尙書同被徵祇緣誤用李曲沃南征復任
楊武陵廟謨顛倒誠難憑金牀看看妖兔登令人懷古悲
填膺至今鞠服藏州庫神元丙夜連句注碧血模糊赤雁

翎鸞弧想見飛
靈怒此地猶來
重名節宵筵銅
斗飛冤雪
殉夫昔有代妃
賢殉國今見夫
人烈殉夫之并
名不磨射
賊之箭終不滅
吁嗟乎箭頭不
過三寸鐵

成多祿字竹山號澹堪吉林人光緒乙酉拔貢歷官綏

化知府有澹堪詩草

詩話澹堪性情和易工詩善書受知於于次棠中丞
蚤著清譽中年入幕應官皆超然自異不肯苟同
遍游吳越佳山水與其地勝流相唱和辛亥後僑居
都下拓地數弓蒔花種菜題曰澹園日曠詠其間余
設晚晴移詩社澹堪入社譚詩同輩交重今年歸里
不久謝世覽其遺翰輒深感舊之思詩集爲生前所
自刻選存頗慎其詩境安雅如其爲人宋芝田侍御稱
其氣沈詞鍊無一點露氣犯其筆端非養之有素湛
然恆惴不能有此境
界是真知澹堪者已

移家

柴門一曲抱江斜
暫息塵勞向水涯
天過重三猶帶冷
鄰

非元九也移家轍尋深巷人初到徑掃空庭鳥不譁何事
靜中參妙諦畫眉聲裏落羣花

送劉仲蘭之呼蘭

劉君劉君去不顧尋師獨入雲深處秋風庫葉一扁舟斜
日伊蘭千里路

君並有伯利三姓之行

庚寅之歲喜初逢我與君家

一巷中氣象汪汪黃叔度照人翦水點雙瞳清談從此留
眞賞夜話鐸鐙時來往得逢好友舊盟心欲索解人先鼓
掌周盦秦彝漢瓦文圖書金石兩紛紜畫家自古傳三昧
書法于今重八分驀地祖劉中夜起方覺雕蟲技小矣男
兒生長天地間不能爲將宜爲使鬢髮將凋可奈何坐令
勳業久蹉跎我聞此語爲君壯燕趙相逢忼慨多金源自
古稱雄郡殘碑斷碣無人問偶然名士著名邦斗覺山川

增氣韻此時耳熱酒初酣別緒唵秋與澹堪他日邊雲回首處荻花楓葉滿江南

曉行

出關黃葉欲飛時京洛風塵綠鬢知萬點殘秋縈夢轂半竿初日上鞭絲策時才愧陳同甫思舊情深向子期笑我征人無一事且行且止且吟詩

宿望梅店

鴉盤遠勢欲黃昏我亦隨鴉入此村山小於拳浮岸腳潮平如掌鬢雲根寒煙影裏僧歸寺黃葉聲中客打門杯酒盈盈殊解意好銷塵夢醉詩魂

寄懷于次棠師

躍馬橫戈事總虛辭家賸有一囊書深嘗世味文難信沈

醉離懷酒不如幕上春風巢燕子江邊秋水夢鱸魚他時
杯酒重逢處好是黃花九月初

漢家

漢家西狩感君王蕭落蕪亭麥飯香當日移宮紆策畫幾
人專戰誤平章龍顏泣下秋風暗馬首悲生大月涼千古
黨魁誰召禍秦關百二感蒼茫

庚子塞上作

萬帳貔貅大野開風聲怒挾陣雲回天留一綫容西上地
盡中原此北來談笑公卿王猛意倉皇戎馬李剛才深宵
無限關心事捲入胡天畫角哀

莽莽平沙捲大荒當年聖武定全羌漢家佗尉蠻夷長唐
代渾瑊異姓王冊譜球刀詒法物圖開日月近宸光興源

待裏尊藏處猶見河山帶礪長

拂劍高吟勅勒歌
酪漿捐酒舞婆娑
黃龍誓飲金烏北
白馬難盟藥葛羅
危局百年沈黑水
長城萬里劃黃河
青燐白骨秋笳集
墨審新從盾鼻磨

轅門畫鼓亂駝鳴
落日川原磧路平
估客蠟書通敵報
胡兒繞帳聽吟聲
旌旗占斷金源路
碓杵催殘木葉城
草澤卽今扶義起
相公何用受降名

謁朱研生師

采藥尋師海外天
歸來身帶五湖煙
思量劫換紅羊後
彷彿經談白鹿前
吳苑高吟招月共
怡園狂醉抱松眠
自憐江上閒桃李
虛領春風廿五年

橫塘夜泊

出城二十里孤泊近漁磯到此櫓聲渺悄然人語稀夜深
飢鼠出水淺亂螢飛言念山中侶停琴待我歸

度興安嶺訪宋鐵棧觀察

雲車穿出洞冥冥形勢東來若建瓴王氣遙浮全亞白長
煙直下大荒青人家水近牛羊老戰地風高虎豹腥吟得
安西都護句好騎羸馬勒新銘

鐵棧詩有又騎羸馬度興安之句

同朱古微侍郎劉伯崇殿撰鄭未問中翰胡右皆觀

察集滄浪亭

六一吟殘世已遙孤亭寂寂草蕭蕭秋隨天上卿雲到人
共山中舊雨招撥蘚細尋牆角字惜花深立藕邊橋他年
誰作滄浪長詞客風流問六朝

掃盡邊愁天地寬奇懷不減且爲歡無端笑傲偏宜酒如

此疏狂豈稱官風定蟬聲搖草樹夜深螢火亂杯盤臨流
頗憶漁洋語擬帶笞簪與世看

贈吳缶廬

大句崔黃葉衰年杜浣花高懷付樽酒涼意寫琵琶我亦
耽吟詠因之感歲華朝來攬明鏡秋思滿天涯

游李公祠

樹老落荒石氣深名園名相此中尋全淮勳業來蒼莽五
省馨香照古今交外難平天下口收吳先定老臣心吾儕
不用寒花薦王粲高樓試一吟

帷幄剛籌便誓師胡曾並世見才奇良弓高鳥無多忌老
圃寒香又一時全局存亡丞相表大風攻守漢皇詩中興
人物今銷歇愁倚深秋古柏祠

送星階入都

側帽輕鞭趁曉風，飛車重踏軟塵紅。
金錢下策彈張說，絲竹東山老謝公。
九漠風煙雕顧盼，廿年兄弟雁西東。
好將三疊陽關曲，譜入河梁夕照中。

趙家名壁重連城，奉使乘查壯此行。
靜女何須傷晚嫁，偏師猶可振危枰。
鵬游大澗秋無影，馬渡長河夜有聲。
欲脫寶刀還自惜，幾經肝膽照平生。

歌殘玉樹冷宮鴉，銅狄摩挲日易斜。
幾處邊聲驚筆策，一腔幽怨訴琵琶。
好游廠市招新雨，莫上江亭問落花。
洗馬臨歧一怊悵，不堪垂老又天涯。

江月江花照我顏，繞廬春水碧如環。
微吟淺畫閒滋味，瘦策寬鞵獨往還。
我自芝薇懷世外，君如蘭雪在人間。
歸來

莫忘漁洋句江上蓴鱸話故山

烏拉懷古

虎踞龍蟠拱上京當年雄長此間爭狼烽已靖孤城在烏
拉猶存四部名斷壘十重搖樹色大江三面走秋聲老來
別有興亡感不向西風訴不平

將軍冢與故侯門玉爵金魚話舊恩一自素波愁帝子獨
留芳草怨王孫宮禾躑躅遺民淚塞樹飄蕭宿將魂且喜
白衣宣召少此鄉端合老梅村

抱山展墓

平明登抱山樹靜棲羽寂長跪酌佳城往事思歷歷我父
卒丙戌葬日雨浙瀝前母乃同穴負土堅四壁其地溼且
卑我心常戚戚丁酉驚盜發白日飛霹靂恨無汾陽兵志

此徒悲激罪人幸而得沈痛那可滌我母復見背牛眠此
中覓風雨感崩防遷徙同辟狄傷哉乙巳春萬古漆鐙闕
東西南北身展轉捧毛檄二年出守綏三載書考績推恩
及九泉褒贈膺殊錫君恩日以深親面何由覲況當入表
昏滿眼愁鋒鏑華屋與山邱險過矛頭淅生兒亦何用往
訓空啟迪春秋缺瞻拜禍變同疏遜默數生平罪擢髮豈
足析仰觀松楸寒雨淚紛紛滴

憶榆廬

松花江之西有村其塔木厯厯雙白榆扶疏繞老屋遐思
齟齬年我父教我讀每書必親鈔篇篇當削竹每句必口
授記誦耳須熟朝曦連夕鐙慈訓爲家塾我母尤鍾愛時
恐遭笞扑朝送屋角東手爲櫛與沐暮迎屋角西食以果

與肉其時榆正新風動錢蔌蔌我亦隨風來滿院爭相逐
有時披綠陰嬉戲當綵服二老開口笑謂我如黃犢忽忽
四十年此景宛在目一身倏東西萬事同轉燭自與此廬
別迤邐淚盈掬我父先見背家室幾顛覆中經庚子亂負
母竄山谷白頭感冰霜越歲棄我速十年走龍沙忽變橘
中局世外驚滄桑宵中泣莪蓼游子悲故鄉歸來話樵牧
烏刺好江山考槃水一曲爰居避鼓鐘時向東門伏魚思
故池泳烏戀舊巢宿況此鮮民身往訓思顧復先廬一已
荒樹老枝葉禿頰仰萬古天長歌以當哭

簡張半園

浣花有客聖于詩詩律精嚴晚更奇天半笙簧珠錯落酒
中芒角骨嶽崎何嘗哭笑同遺老豈獨風流是我師頗憶

子京修史地兩行紅袖寫烏絲

時半園修黑龍江通志

風滿西樓夜不扃元龍高卧餉羣經偶搆笠屐宜新雨穩
把綸竿是客星宛宛吟蟬雙鬢雪遙遙歸鳥一天青何當
雞黍三年約共上龍沙萬里亭

江省公園有龍沙萬里亭

澹堪雜詩

吾家牆之東雲水一廬小菜圃雜菊畦種得花多少新柳
垂萬絲好音坐幽鳥別院寄妻孥人事一無擾牙籤三萬
軸枕饋忘昏曉遙想雲中君吾意方縹緲

老友林琴南寫圖遠寄我雖未至吾廬位置似亦頗大江
日夜流襟前復帶左老樹聽吟聲滿地松花墮白雲時出
入幽扃渾不鎖卽此有聲畫謂之詩也可

瀟灑諸葛君澹泊以明志我無古人學而師古人意當年

守一麾偶以官爲戲拂衣歸去來甘爲世所棄閉門老著
書松鱗落幽翠寄語熱中人吾僕與子異

京華有故人招賞西山雪吟鞭逐寒影遂與吾廬別人皆
憲清涼我獨畏炎熱自惜潔白衣常恐緇塵涅何如老圃
花寒香爭晚節日歸復日歸聊以守吾拙

好山喜我來螺黛繪深淺怪石待主人僵立殊偃蹇我感
山石意花徑行宛轉入夜猶尋詩露溼衣裳輒燈花自開
落幽靜不可翦時間華子岡人定一聲犬

幽人早起時初日未挂樹微聞草木香羣動澣清露我思
陶隱居曲間入煙霧北窗卧羲皇未必得此趣持帚掃白
雲不令白雲住生恐塵世人認得雲深處

我生何所求與物本無競得廬便已足況復極幽靚檐樹

咽晚蟬窗月飛孤鏡人語出幽叢小院綠落淨何必期長
生安居自卻病珠柱怡我情玉杯悅我性

別厂而曰堪實一土屋耳有古陶復風此意差可喜白髮
老詩人蕭然水雲裏荒徑長菊松小園徧桃李蘭成與彭
澤前身毋乃是白水寄神交長懷古君子

烏刺古江山風物秀而野忠毅與富察

忠毅公額勒登保
富察氏穆克登皆

烏刺其人皆健者賜第成瓜田荒祠賸積瓦陵谷一變遷
侯王亦已假何如高節義聲名震天下所以胡澹庵千古
皆其亞

遺民周之餘大隱南山麓習習清風生美人慕空谷淋漓
寄詩酒歡笑雜歌哭華髮已滿顛踽踽行猶獨遐哉邴管
風邈矣顧黃躡蘭室有清芬芳鄰吾其卜

贈宋芝田侍御

一疏居然動九闈，河山雖改片言存。先芬遠謫曾金齒，宋
文憲公事此老生。還入玉門銅狄吟，秋餘涕淚鐵函著。史自朝
昏平生意氣傾湖海，欲話新詩酒滿樽。

散材心迹議郎名，白髮青衫也自驚。卓犖幼安容片席，蕭
條庾信話平生。十年燕市黃花酒，萬里秦關落葉聲。一樣
天涯感今昔，壯心直氣總難平。

九日陶然亭獨坐

西山青到谷爲陵，誰向荒亭問廢興。老年光秋似嫁獨
來風味野于僧，鄉心滿地滋鱸膾。兵氣纏霄引雁繩，欲折
黃花還自笑，白頭傲骨兩峻嶒。

次鄭蘇戡先生韻

胸中五嶽鬱風雷
瓌瓌雕蟲枉費才
解道橫空盤硬語
華山雲氣劃然開

地接滄浪天蔚藍
華嚴境界記同參
香南雪北多常句
逸響誰尋落木庵

于雲贊字夔仲慈
利人光緒乙酉拔
貢官攸縣教諭有
迎曦堂詩存

周上制劍

考工桃氏職爲劍
萬用高曾守不變
遺制空存遺器亡
坐規成法目如眩
一鉏刷出苔花班
隔三千年與相見
把劍按記窮心思
名義程法兩得之
莖頸後喉按劍首
臘形象鬣網旁披
承身隆起卽爲臘
黃鐘之數絲此推
以臘校莖莖長倍
雙後匝輪中莖施
身五莖長無參差
合之古制稱

上制易田說劍真我師吁嗟熾羸頰劉蹶今何有一劍完
好落吾手嗜古性成少不廉比是貧家矜做帶目窮之罟
探鳥蟲手攀岫嶼搨蚪蚪得此差足證遺經校勘分寸陳
編守祇恐四海望澄清會當一麾出神武君不見三尺龍
化翔神霄雲雨須臾周垆郊安用累黍徒鏤雕

登獅子巖示徐生

誰倩倪迂灑畫毫獅林累累出平皋行騰孤往吾猶健絕
巘同登子可豪遠聽秋聲動寥廓俯臨雲氣匝周遭雷峯
西下山千萬一障東蟠此最高

勒深之字元俠新建人光緒乙酉拔貢有關三寶齋詩

詩話元俠爲少仲中丞子少有異才出語類
漢定庵惜習於跡弛未成秋實遂減春華

釣魚詠

釣魚有大欲所貴在鉤曲釣魚不謀食所患在鉤直曲鉤
釣魚魚滿筐直鉤釣魚魚遠揚人鉤如彼我如此甯怪得
失不相似何如去作滄海游世間應有任公子

團扇吟

人事有離合明月時虧盈裁紈製團扇昭此中心誠紈素
豈不潔愛惡殊其情團扇豈不嘉循環葆其貞招招弄玉
手習習涼風生因風託方便願入君懷清君懷無由開妾
恩將焉呈

團扇如玉玦宛轉無端倪物貴妙於用日人固其宜用行
而舍藏此理我則思嗟哉班婕妤好棄捐亦何悲

題張少伊廉訪劍女圖

擊刺之術久不作猿公越女空傳疑錦衣玉貌者誰子攘

袖軒眉斯亦奇浮塵莽莽自今古浩劫茫茫未轉移省識
圖成心獨苦請君看取幾男兒

至福州

巨鎮東南氣象開嵯峨城堞倚星臺無情歲月閩王老殘
喘河山勝國哀地接夷蠻資控制天生滄海走喧厖我行
自慰趨庭願不爲興亡浪費猜

春草

野綠渾無賴憐伊託蒨林縣縣遠春意了了隔年心永憶
舉芳侶陳蹤不可尋瑤箋苦延佇悽斷夢痕深

白永修字澂泉平度人光緒乙酉拔貢有曠廬集

青竹杖歌

男兒不得徧覽天下奇荒村埋頭如煢稜幾度齋糧甫欲

出行蝸復縮故殼棲忽然兩腋生羽翼騰騫身疑跨蛟螭
五嶽飽看日未晏時聞耳畔獵獵寒風嘶握中不知是何
物但覺滑潤勝琉璃諦視始驚一竹杖乃葛仙翁之所貽
質堅色淨高九節太乙不敢誇青藜嗟余微生逐蠛蠅仰
屋著書自笑癡未與仙翁有夙分何來投贈蒙提攜得非
游癖結胸往無力造物哀我窮黔黎歸來高挂那敢拄曉
色著壁橫蒼霓杖兮杖兮勿化蜿蜒去扶我更上青雲梯

神清宮

山腳夕煙橫披煙謁上清雲中樵客斧天際羽人笙入戶
羣椒蠶升階萬竹平虛堂絕塵想豈復夢魂驚

題少隅詩卷

獵獵長風吹日沈老松千尺作龍吟徑攜仙人綠玉杖來

聽太古朱絲琴嶺頭孤月一何淨浦口暗潮相與深不識
寥寥天壤內幾多傾慕託知音

葛金烜字景亮號煜珊平湖人光緒丙戌進士官戶部
郎中有傳樸堂詩藁

十三夜雨尋霽枯坐篷底一鐙熒然感事懷人悵悵
不已疊九日黃樓韻

愁人坐愁日兀兀歸心勃逐征鴻發冥合極浦帆影遲雨
收隔岸屐聲滑伊人乃在秋一方何處凌波見羅韞蘆搖
殘滴時作聲如魚唾沫聞喋呶懸知今夜山中人快趁一
犁負長鋪水程羈夢夢難歸風影刮鐙鐙乍殺冥然入定
參辟支恨不將身皈梵刹破篷留隙吟商飈宵深時答響
伊軋峭寒刺面殊灑然知有霜華篷背壓清景一失逋難

追欲補已如齒成齧東方漸高岸析沈葭蘆叢中鬧鵝鴨
吟成悽絕不忍聽柁尾水驚流雪霽

寓齋卽事

避地得幽憩閉門風雨寒如何天宇窄不抵酒杯寬四海
正多難孤懷殊尠歡隨身幾點淚未敢向人彈

題張船山詩集後

酒酣忽吐驚人句飛向峨嵋化白雲劍氣縱橫餘萬里珠
光閃爍僅三分性靈筆妙元無敵仙佛才兼迥出羣落落
孫洪亦豪宕當時斂手共推君

于齊慶字海帆江都人光緒丙戌進士改庶吉士授編
修歷官廣東提學使有小尋暢樓詩鈔

詩話海帆爲余丙戌同歲生性素幼學平日手不釋
卷既入詞館與余及鹿喬笙韓子儵同習詞賦於北

學堂海帆頗有志於經世之學庚子秋在危城中與王半塘朱疆村諸人結社真詞梓以行世聞坊後旋在廣東提學使以憂去官未竟其用既歿余銘其墓

聞警次石逸韻

薄宦身如寄憂時淚欲傾
韜鈴徒話柄草木亦軍聲
糜費金無算倉皇卒踐更
諸君皆柱石何以慰宸情
庭蔭慚桃李家風足黍黎
新愁哀雁語舊恨夜烏嗁
祿薄難言養巢危尙忍棲
長安橋上柱留與長卿題

賀喻志韶歸第

門前桃李報花開官酒親嘗第二杯
此日幸陪聞喜宴當

時幾失軼羣才

喻以補吾薦獲售

皇有意求龍比

本科殿撰駱公肅原擬第

三喻列第十進呈時上以二卷指陳時政特拔之

君輩甯徒學馬枚青甚於藍冰

甚水相期勛業在雲臺

籠鳥卻寄關中友人

一落樊籠不自由，嚶鳴無復舊同儔。
印留白雪空陳迹，夢入青雲悔壯游。
比翼早辭簾幕去，失身豈爲稻粱謀。
最憐風雨漂搖後，索母孤雛語碟聊。

陳適聲字蓉曙諸暨人光緒丙戌進士改庶吉士授編

修厯官四川川東道有畸園老人詩集

詩話蓉曙齊年同館後又共事政務處投分不淺及
觀察川東未幾謝政而歸郵簡詩筒歲時不絕晚營
生壙屬爲題碣尙賦長古見寄生平雅慕放翁鑄陸
劍南同鄉人小印以明素尙然其詩鬱勃莽蒼放筆
爲直幹殊不類放翁也

渟沲

輿衛寂寥野店秋，渟沲喚渡已無舟。
漢宮練被三軍劫，晉帝鞭爲五騎留。
幾處荒煙炊豆粥，深宵趁月渡蘆溝。
蕪蕩

亭子饒陽路羌笛催人易白頭

江東

水閣歌船宴虜首停杯聽唱白浮鳩忍將燕北傷心淚付
與江東捉鼻謳元老清談俱廟略新亭對泣亦風流爲詢
折翼陶都督可有偏師出石頭

迴鑿

迴鑿喜見舊慈容爛額焦頭俱策庸辨色仍臨垂拱殿傷
心怕聽景陽鐘已聞大夏通新使莫向臨春問舊蹤今日
東朝親召對隔簾涕泣說神宗

中秋夜頤和園直廬

曠籟寂思慮直廬饒清祕玉漏響沈沈聲遞宮花外誰家
宴西園夜半發歌吹悵觸羈旅情竟夕不成寐秋月照關

山千里共明媚遙憶故園人娟娟坐相待

枯蓮搖碧漪冷露瑟金井秋寒鵲高飛風緊鶴知警水自
玉泉來到地聲始靜清波搖簾隙萬籟澄秋景宣室未可
議閉門杜造請天階涼如水夷曠絕人境開窗延曉色殘
柳梳月影

江村

夕陽紅沁蓼花根楓樹無聲白鳥翻烏柏人家黃葉寺青
帘酒市綠橙村蒙莊齊物魚知樂漁父忘機鷗到門雞犬
聲中人語樂何須世外問桃源

雨宿偏巖子

舟人知風雨泊舟偏巖子日脚漏微紅電光閃黯紫茅屋
兩三家大風撼不已山川杳靄中雲樹模糊裏行人擎破

傘喚渡候江汜漁父棹船來披蓑賣鱖鯉米顛坐潑墨一
幅好山水

江行雜詩

浙漕如白馬蜀險度黃牛風雨銷歸興江山助壯游宦情
隨水落鄉夢逐波流帆影嵐光外依稀見庾樓

客路忘行役船窗雜笑談雲煙收楚北風雨渡江南烏白
山逾碧螺青浪潑藍天晴山寺現微月上松龕

風物如全盛江山已破殘淮鹽都改掣唐鎮舊迎鑿鼉負
三山重蛟噓六月寒雞鳴京口泊鐙火隱漁灘

船出焦山口東方已破冥人驚雙鬢白山爲六朝青梵唄
松寥閣梁碑鶴豕銘曉峯開畫幃環列似圍屏

游金山用東坡韻

東坡蜀人游江南我宦西蜀歸東海兩人蹤跡異而同山
門玉帶今何在去年濫瀕觸危陀幾將性命付洪波出險
一路卧看山蜀山奇於吳山多揚子江中晚艤檝樹腳山
頭銜落日秋波細感雲鱗碧長鯨返掉霞尾赤繫纜登山
山徑仄初三無月叢林黑窗隙微露佛鐙明撥徑敲門僧
夢驚開門相見不相識瓶拂挂壁無長物留我對榻談名
山極言吳秀而蜀頑夜半舌乾辯不已煮茗呼吸中冷水

放船

鵝鳴聲中打槳行放船天氣趁新晴風吹水面鱗鱗波
到橋心貼貼平綠樹炊煙千縷直青山夾岸一帆輕漁村
鐙火穿籬出舵底吟詩待月明

題蘭亭壁

又見蘭亭土木新題名勒石是何人更誰知讀冬青引合
祀當年六義民

六義民者唐玉潛林霽山王修竹
鄭樸翁謝皋羽及陵使羅銑也

病起寄吳四杭州

捲簾不見草萋萋鷓鴣畏寒向我嗁病久竹妨行藥徑春
來水漲浣紗溪籬邊卧犬驚花吠雨外飛鳩覓樹棲遙想
孤山殘雪裏看梅人立斷橋西

午眠

鑪香初爇茗初烹一榻蕭然暑氣清夢醒蟬嘶桐葉院秋
來蟲上豆花棚消閒碁酒過三伏權領圖書擁百城小院
疏簾無客到拋書敲枕聽鳴鶯

秦樹聲字宥橫一字晦鳴號乖庵周始人光緒丙戌進
士授工部主事召試經濟特科歷官廣東提學使

詩話宥橫少負異才通籍後閉戶讀書爲潘文勤所
特賞不煩以曹務因召對慷慨論事歷詆公卿當寧
動色出守滇南累擢監司值孤行與疆吏齟齬不
恤也爲文沈博絕麗時而艱深奇澁陳啟源目爲樊
宗師詩則出入玉谿昌谷不屑作凡語耽書成癖目
空今古趙董等諸自槍人或嫌笑之然致力甚深要
非隨人作計者其詩存藁
甚夥搜錄數首以見一斑

題朱古微同年霜腴圖

戰勝蕭辰道自肥其如百卉已云腓倚梧私恨灰心晚舞
鏡終疑惜羽非鑿齒大風同日月腥鱗涎甲滿裳衣夏黃
公亦歲寒侶收肅瓊明一釣磯

述懷

羞將蟬翼博千鈞牢落乾坤兀此身梁國物情真嚇鼠魯
郊吾道未傷麟諒無肝膽酬斯世薄有襟裾拂古人若道
干戈堪養拙夜吟無可百篇新

爲曹纒衡書扇

烏咽中江人海流，知君清坐不勝愁。
魯戈過眼空三舍，宋鐵傷心盡九州。
自古武夫避黃髮，於今吾道屬蒼頭。
人間合有蟾蜍壽，書劍臨風涕未收。

趙次珊館長重葺舫齋用朱茱堂韻自述屬和

議兵尺籍亦空虛，莫愧荆卿劍術疏。
楚國邱墟留宋賦，漢家忠孝屬班書。
朔風忽送高齋雁，斜日微唵濁水魚。
羨殺昔賢悲夜雨，寂無情感到胥餘。

壯心恥作嬖人奢，投老傭書兩鬢華。
許我千秋慙刻鵠，負公一事是塗鴉。
荒涼寓縣元和志，汗漫星河博望槎。
景范以還無述綴，未知敝帚在誰家。

薄持願力卽天魔，十載經樓枉杜多。
差喜羽陵留蠹簡，不

愁釣潛起微波寸陰鼎鼎駒過隙一適悠悠豕渡河莫道
陸沈羸老淚要分一掬點吟窩

輓顧亞蘧

死生有海淪甘蔗窮達無天補女媧亂世故人如落葉清
時言路漫含沙志蝮誤國誠堪惜嬰蚡同朝孰不瑕況復
翠微可將息破甑何事種何芽

猿跳象擲竟紛紛正始遺音可復聞羽扇中流失元帝金
徽一世誤文君女蘿山鬼幽修語渴鹿摩尼習氣熏羸得
屠門留故步侍郎排闥是楊雲

爲人題畫蘭

冥露不掩骨臨風忽斷腸王者久不作知君爲誰香
有人亦自芳豈必戀空谷棄置乃偶然天命期無辱

寒花有晚節猶傷天地秋雖各一時秀論心恥與儔

穆祐孫字拙岑江陰人光緒丙戌進士歷官戶部郎中

有稽弦詩存

詩話光緒中試簡京曹十人考察歐美各國政治拙岑游歷俄羅斯著俄游彙編歸以進呈與德清傅懋元雲龍寶應劉丹廷啟彤同被獎擢後充譯署章京未久卽擢末疾不竟其用夙擅詞章詩筆奧衍遺著未刻僅附家集以傳

觀唐昭宗賜錢鏐鐵券

鏐金煌煌字三百咨爾彭城上柱國鎮海鎮東開軍府持節中書太尉職媿漢鄧隲衛孔悝褒德策勳視斯敕有唐吉金經千年懋典法器稀流傳重以浩劫遁濩落旣失復得甯非天台州諸錢始南宋守器曰忱賢不惹翠華南幸稽乾隆哀選拜進隨雲從天章魏煥錫琳瑯使臣樹銘鐫

嘉頌

別一漆版形製大小同兼鐫乾隆壬午御詩外木匣學使徐樹銘製題曰天章雲漢於乎盧龍

萬騎瀟關走藩臣跋扈貍梟醜河朔三鎮尤披猖不反而
反惟懷光人臣謀反賜鐵券其辭雖悖非無見幾曾丹心
貫日月必要信誓兼金鍊我思昔日唐昭宗紘千山崔愁
窮冬太師尙父王行瑜魏王九錫朱全忠中原生民成瘡
痍節度恣睢玩天子董昌之輩不足誅大梁逆禍肘腋起
鄭畋壁壘驚黃巢處存赴難麾旌旆晉陽招討李克用死
遺三矢忠肝昭矧此勇懾錢塘潮誅昌定頽精兵饒河山
帶礪銘勳高胡勿驅馬入淮汴朱三之顛力可斷胡勿連
兵楊行密斫頭穿眼仇奚益乘亂胡爲割據謀毋乃鼠竊
兼狗偷可憐江東一羅隱曲諷勤王志悲憫拜恩乾甯會
幾時名馬玉帶臣受之雖云屈節完江表得勿慚對沙陀

兒呼嗟乎取以爲式號哮虎不學無術笑洪武

拗嶺

山以拗而奇文以拗而宕我笑王荆舒辭章誤宰相

釣魚嶺

無水乃去釣有才祇負屈縱已陟林端求魚奈緣木

贈李秀峯

魯酒傾燕市銜杯感喟多壯懷銷國士舊夢付春婆孺子
亭邊柳蘇卿祠外荷因君重回首三宿紀東坡

次韻宋芸子同年卽送贊使英倫

我今止酒蠲酒逋我今寄慨黃公壚劇疾更生慶此日還
從諸子狂謳呼伊誰持節浮西海開諭威信今相如壯夫
之志在萬里快哉餞飲頻催酤博望定遠何足數敦槃旁

取弓彤盧一帆直度師子國炎蒸紅海鸞陽烏俄頃冰霜
齒牙繞長筵左右侏儻徒問操修史如椽筆翩翩書記騰
七蘇默覘彼國情勢頗要有囊括四海圖縱橫術嗤蘇張
粗歐亞將使通風衢三島神仙雲中下盡化瞿瞿而狙狙
聖人能慮不能至茲乃履坦無跼蹐昔吾遠游徒自放敷
張偉議惟君須觸念遂踰亞丁島袖中詎止錢塘湖勸君
勤讀旁行書勝斬郵支及溫禺崑崙金玉幸勿羨計臣之
計終疑疏

曹允源字根蓀吳縣人光緒丙戌進士授兵部主事歷
官漢陽知府有警字廬詩略

宿富莊驛

樹裏村墟火幾星炊煙漠漠起巖扃暮程車馬催人歇貧

女琵琶絮客聽牆外漏敲孤月落鐙邊夢繞萬山青早眠
爲怕宵征苦襪被蒙頭喚不醒

舟發滁州

青山如黛水如油三日陰霾一日收風色滿林搖客思萬
蟬聲裏過扁舟

秋夜有懷徐侶樵上舍

寓言十九演蒙莊鍵戶紉書鬢未蒼汀雁聲寒沈遠角沙
蛩語澀咽新霜榮枯世事雲千疊繚亂秋懷葉半牀何日
隆中起高卧手提長劍掃天狼

譚國恩字彤士新會人光緒丙戌進士官工部主事廣
西候補知府有寫趣軒詩彙

秋暮

不覺黃花老秋來少倚闌愁多辜宿釀病久怯新寒持論
皆盧扁救時誰范韓殷憂到野老莫作杞人看

李子榮字杜生衡山人光緒丙戌進士改庶吉士授雙
流知縣有荷塘詩文鈔

搗衣曲

梧桐落金井蟋蟀鳴房幃風物淒以變逝晷不能追自從
儂侶乖夢寐想容徽含情理瑤翠開篋視裳衣曳帶下空
欄緩步出中閨秋礎勤拂拭急杵繁且哀響隨涼飈起思
逐孤雲飛揮手難爲憶顧影空自依

小孤山

大江西雨來雪漲浩飛湍連山疊隱見孤島驟噴岬貝闕
支鐵柱鮫宮涌銀盤婉婉墟真靜女倭墮搖螺髮風簫激靈

籟石鏡明仙顏凌虛自矯矯望遠故漫漫不圖驚蠶爾烽
火照狂瀾擊楫伊何人指揮心力殫遂令藐姑射依舊空
明間停撓結崇翫雅詠非夸謾陽岡無墮燹陰崖有棲翰
浩歌日欲矐片雲天際還

春夜宿武侯祠晨起詣青羊宮就李道人覓餐

疎篠映禪房枝枝帶微雨流鶯嗁欲闌繫馬向廊廡蜀人
思武鄉千秋薦椒醕并吞業未成精靈歛然聚蓮界夜沈
沈佛香篆微縷薄醉易成眠對榻欣得侶一夢覺華胥無
意吟梁甫晨興何所適更就鍊師語清盥挹溪礪靜趣生
花嶼餉我青精飯應從丹竈煮九衢冠蓋中此味閒領取
杖策行出門蒼煙散平楚

明桂藩石獅歌

天降金精百獸伏電光熊熊閃雙目白澤疑鍾烏戈奇拳
毛茸茸勢如縮回雁雲中聳翼翔受封啟字是何王不恨
封藩屬貧國猶聞傑構埒靈光鑿得荆山一片石狻猊屹
立神飛揚屏王龍種祚衰薄安仁永明遠依託宗盟列爵
擁虛名肇慶稱尊日剗削鋸牙鉤爪空自雄無端怒吼風
雨作似惜奔梧坐屢遷更憐入緬慚三恪嗟平乾柱傾頽
坤軸翻督師漫欲羝觸藩陵園石馬早流汗戚里鐵獅今
不存自古興亡一轉瞬寒林衰草弔斜曛

登昭山

湘中山水天下奇秀色天造非人爲茲山靈異尤傑出一
松一石皆清姿素虬翻空激巨浪到此渟蓄倚危嶂平生
寤想第三山咫尺丹梯更神王洞潭落照風蕭蕭急督舟

子停輕橈縈紆石磴路九折行人漸逐盤鴉高花木叢深
蔚幽僻鐘搖上方暝煙碧童子開門吠仙犬老僧扶杖款
來客殿高鐵鳳摩霄迴栴檀香散疎寮靜惜無軒檻臨江
開難乘日車觀倒景山雲舒卷隨輕風予亦去來無定蹤
明朝遙望更奇絕江上一朵青芙蓉

雪豆腐

孤城斗大雲爲衙朔風戰樹噉棲鴉天公作意破岑寂排
日玉戲矜豪華鑪溫祇有茗堪煮水淺惜無魚可叉山田
萁落漉漿汁爭言此味清而嘉夜堆晶盤置牆角晨碾玉
屑揮霜牙不令急煎湯一沸氣蒸釜底燒枯杈滑膩流匙
得精粹如吸沆瀣餐朝霞又若道人發逸興踏雪笑嚼寒
梅花沁入心脾滌腸胃消去渣滓無疵瑕五侯鯖膳貴人

明齋集卷之二十一
家駝峯糴炙盛相誇鑿冲輦致佐珍饌門外往往翻冰車
豈知菽爲五穀一來其出自豕虎沙蠲煩但藉半甌水含
陳偏宜六出花癯儒秉性甘澹泊野客與我同生涯況復
緜州得春釀官廚取給無須賒

游曉霞峯

不到此山久今晨岸角巾還尋路崎曲休怪客逡巡井水
祈神活天香散座頻恆沙無量劫僧亦後來人

大沽口

朝宗萬派碧波遙氣壓龜鼉靜不驕雲樹自依丁字水風
颿須趁子時潮三河形勝由來壯四塞烽煙近已消猶憶
賢王勞苦戰敢忘秋戍肅金刁

秦淮鐙舫詞

桃葉渡頭楓盡凋莫愁湖上雨瀟瀟
煙花南部都零落幾點秋鐙散板橋

金鵬字桂庭桂林人光緒丙戌進士授戶部主事改臨武知縣

將之臨武感賦卽以留別諸同人

南宮釋褐廿餘年無補絲毫忝俸錢
湘水叢蘭新宦况瀛州煙樹舊詩篇
多言銘懍三緘戒斂手棋輪一著先
愧負師門期許意花封治譜不曾傳

多情舊雨聚京朝捧檄風塵惜下僚
塞馬早經忘得失雲鵬今漫說扶搖
由來不辱緣知足未礙居卑且折腰
班史閒披朱邑傳桐鄉誰復令名標

裴景福字伯謙霍邱人光緒丙戌進士授戶部主事改

官南海知縣有睫闇詩鈔

太湖石

四萬八千頃越與吳各半奇峯七十二縹緲插天漢水土
互爭搏剛者柔所判陰火煽洪鑪萬劫餘飛炭成茲積鐵
色純黝等鎚鍛水精融地脈頑璞豈受破天工好鬪奇人
巧謝雕鑽風雷開竅寶煙雨洗漫漶高截青岱頂深蟠黃
嶽幹古柏根磊砢蒼苔色絢爛橫卧洞庭渚峭立震澤岸
中藏天下雲肯爲耳目玩昔作江南客屢游太湖畔兼葭
浩無際洄溯日將肝歸舟索一拳空袖增悵惋何年築石
步花鳥資蕭散盡拔蒼山根具區在几案

鄭州望黃河

積石導源歸大海宣房負土困中原薪芻民力今難繼疏

鑿神功古尙存一曲南來蟠二華萬靈東走下三門遷流
可有迴瀾白白草黃沙霧雨昏

過黑水沙漠至撫夷城

卅六國中親往還荒唐舊說一時刪流沙穴地眞成海弱
水滔天欲撼山西去關烏頭盡白東來宛馬汗皆殷倦游
小睡崑崙頂應被羣仙笑我頑

安西行寄王方伯

天山如龍游平川送我東行路三千我行百里一食宿左
右出沒相周旋我到安西不見山問山已入玉門關人行
欲住山不住以鼈追馬焉能前大黃亘天接祁連終南太
華紛聯翩望塵不及仰復羨雲車風馬眞神仙我行踟躕
不得前牽來天馴金鞍鞵朝發流沙逾月宿暮宿飲水黃

河邊更駕飛車入東海羣仙招手蓬萊巔登高回首望西極落日未落生蒼煙美人娟娟立雲表夢魂不到空潸然

刪丹晚行

峯頭落日一尺景平地行人一丈影登高試望石觜山缺月已懸大佛頂紅柳不青白草黃西風雁唳涼州涼今宵刪丹郭外宿客路更比長城長

聞捷字鹿樵蕲水人光緒丙戌進士官魯山知縣有怡養齋詩鈔

姚相國故第

當年樓閣贖荒墟夕照家家擷晚蔬老圃不知緣底事人前深諱相公居

仙人洞

玉臺嶺畔夕陽低古洞迷離草色齊
仙子不歸山月暮流鶯空傍落花颯

劉炳青字書圃隴西人光緒丙戌進士官丹陽知縣

新疆紀事

邊城沙漠廢耕耘三月春歸草未薰
寒氣裂肌凝凍雪怪風捲物入層雲
羽摧漢節抵難乳聲亂胡笳馬失羣
會見甘泉間報捷凌煙首繪霍將軍

拼死沙場革裹屍從軍萬里滯歸期
春風楊柳關西路秋月琵琶塞上詩
刁斗夜驚胡騎走鼓鼙聲動楚歌悲
可憐絕域鄉音渺縱博封侯奈別離

夏葆彝字子琴號文宿黃岡人光緒丙戌進士浙江卽用知縣有井字山人詩存

白鷺洲

鳴頭新水碧波澄
客思春潮總不勝
行過平湖三十里
滿隄煙柳是江陵

舟次歸州

峽江春水碧如油
楚客來時又泛舟
煙雨一帆三月暮
子規聲裏過歸州

謝昌年字壽田嘉興人光緒丙戌進士官金華教授

贈沈組齋

琮寶

世澤齊梁舊詠樓
冷官居處劇清幽

入詠樓在金華府學西南隅

多君

腰腳藏青骨負我田園剩白頭
癸野星霜嗟久闊吳淞煙
月憶同游回尋三十年陳蹟
蓮社追陪更唱酬

晚晴詩匯卷一百七十五終